

## Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

„25,, դեկտեմբերի 2018թ.

ք.Կապան

Հարկադիր կատարումն ապահովող ծառայության Սյունիքի մարզային բաժնի Կապան-Մեղրի տարածաշրջանային բաժանմունքի հարկադիր կատարող, արդարադատության կապիտան Էրիկ Գրիգորյանս ուսումնասիրելով 24.12.2018թ-ին վերսկսված թիվ 04048472 կատարողական վարույթի նյութերը

## Պ Ա Ր Զ Ե Ց Ի

ՀՀ Սյունիքի մարզի ընդհանուր իրավասության դատարանի կողմից 16.10.2017թ-ին տրված թիվ ՍԴ/0310/02/17 կատարողական թերթի համաձայն պետք է Մաքսիմ Խոսրովյանից հօգուտ „ՎՏԲ-Հայաստան բանկ,, ՓԲԸ-ի բռնագանձել 216.166 ՀՀ դրամ և տոկոսներ:

Բռնագանձումը տարածել 27.05.2016թ-ին կնքված ՈՎ 022 16 01162 ոսկյա իրերի գրավադրման վարկի տրամադրման պայմանագրի առարկայի՝ 5 կտոր ոսկյա զարդերի վրա:

Կատարողական գործողությունների ընթացքում գրավադրված ոսկյա իրերի գնահատման համար նշանակվել էր ապրանքագիտական փորձաքննություն, որոնց արժեքը ըստ ապրանքագիտական փորձաքննության եզրակացության կազմել է 209.000 ՀՀ դրամ:

Կատարողական թերթերի պահանջները կատարելու նպատակով անհրաժեշտ է վերոհիշյալ ոսկյա իրերը ներկայացնել հարկադիր էլեկտրոնային աճուրդի՝ իրացման նպատակով:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

## Ո Ր Ո Շ Ե Ց Ի

Պարտապան Մաքսիմ Խոսրովյանին պատկանող ներքոհիշյալ ոսկյա իրերը

| h/h | լոտի անվանումը<br>նկարագիրը | գնահատման գինը | մեկնարկային գինը | գույքի քանակը            |
|-----|-----------------------------|----------------|------------------|--------------------------|
| 1   | Ոսկյա խաչ                   | 9.900 դրամ     | 7.425 դրամ       | Քաշը 0,9 գրամ, 580 հարգի |
| 2   | Ոսկյա մատանի                | 55.000 դրամ    | 41.250 դրամ      | Քաշը 5,0 գրամ, 580 հարգի |
| 3   | Ոսկյա ականջօղ /1 զույգ/     | 18.700 դրամ    | 14.025 դրամ      | Քաշը 1,7 գրամ, 580 հարգի |
| 4   | Ոսկյա շղթա                  | 69.300 դրամ    | 51.975 դրամ      | Քաշը 6,3 գրամ, 580 հարգի |
| 5   | Ոսկյա շղթա                  | 56.100 դրամ    | 42.075 դրամ      | Քաշը 5,1 գրամ, 580 հարգի |

ներկայացվում են հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարումն ապահովող ծառայության աճուրդի էլեկտրոնային կայքի՝ [harkadir.ajurd.am](http://harkadir.ajurd.am) միջոցով: Հարկադիր էլեկտրոնային աճուրդի սկիզբը՝

«12» փետրվարի 2019թ:


Որոշման պատճենը ուղարկել կողմերին

Որոշումը կարող է բողոքարկվել վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

Մ Ա Ն Ո Թ ՈՒ Թ Յ ՈՒ Ն Յ Ուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը:


Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:



Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

ՀԱՐԿԱԴԻՐ ԿԱՏԱՐՈՂ  
ԱՐԴԱՐԱԴԱՏՈՒԹՅԱՆ ԿԱԴՐՏԱՆ



ԷՐԻԿ ԳՐԻԳՈՐՅԱՆ